

Xojon carta xi kitjei-la xita Hebreo

Kós'ín chjako-ná Nainá it'aà ts'e Ki'ndí-la

1 ¹Nga tisa kjòtseé, jè Nainá kjìn k'a kiichja-la xita jchínga-ná nga jñà kisikjeén xita xi kiichja ngajo-la, nga kjìn skaya tjín-ne kós'ín kiichja-la. ²Tanga i'nde, nga tífehet'aà nàchrjein, Nainá, jè ki'ndí-la tísíkjeén nga tíchjako-ná ko tijè-ne ki'ndí-la kisikjeén nga tsibíndaà isò'nde ko jè kjòngatsja ngats'iì nga yiye tsojmì xi tjín isò'nde. ³Ko jè Ki'ndí xi okó jè kjoa isén ko kjoa jeya-la Nainá; ko it'aà ts'eé 'ya-ná kó kji kjoàn-ne Nainá. It'aà ts'e nga'ño xi tjín-la 'én-la Cristo síjngangi'ño-la isò'nde. K'e nga jye kitsjaà kjòtjò yijo-la nga kisitsjeè-ná jé-ná, ikjoàn tsijin ngajmiì nga tsibijnat'aà chrja kixi-la Nainá. ⁴Nga jè Ki'ndí-la Nainá tjina ítjòn; isaá 'ño 'nga tjina mì k'oa-ne koni jñà àkjale, koií kjoa-la nga isaá 'ño 'nga tjina jè 'ín xi kitjoé-la.

⁵Nga jè Nainá, nijngòd k'a k'oas'ín kitsò jngòd-la àkjale:
Ji-né xi ki'ndí-na xan-lè,
'an-ná Na'èn-lè.

Tikoáá nijngòd àkjale xi kitsò-la:
'Aán koma Na'èn-la,
jè koma ki'ndí-na.

⁶K'e nga kisikasén ki'ndítjòn-la i isò'nde tikoáá k'oaá s'ín kitsò:
Ngats'iì àkjale-na kàteèxkón.

⁷It'aà ts'e àkjale, k'oaá tsò:
Nainá, maá-la tjo s'ín àkjale-la;
jñà ch'inda-la maá-la ni'ín s'ín.

⁸Tanga it'aà ts'e ki'ndí-la tsò-né:
Ji-né xi Nainá,
kixií kotixomai nita kjé-né.

⁹ Matsjacha-né kjoa xi ndaà tjín
 kò majticha-né kjoa xi ch'o tjín;
 koií kjoa-la, 'an xi Nainá 'mì-nà xó jaàjiin-lè
 nga isa ndaà jchaxkón-lè
 mé-ne nga isa tse kjotsja s'e-lè
 koni jñà xita xingui xi báhijtakò-lè.

¹⁰ Tikoáá tsò-né:

Ji Na'èn xi Nainá 'mì-lè nga ji otìxomai,
 nga sa tàts'en-la kjoa, jí tsibìndiì isò'nde,
 tijií-ne xi tsibìndiì ngajmiì.

¹¹ Ngaji kijna-né nita mé nàchrjein-ne.
 Tanga jè isò'nde kò ngajmiì kjoehet'aà-né;
 k'oaá s'ín kojchá koni ma nikje nga ma jhínga.

¹² K'oaá s'ín kíxkóyi koni jngod x'ió,
 k'oaá s'ín s'ikjatjìyi koni s'ín fatjìya nikje.
 Tanga ngaji mì k'ì kjoatjìya-lè nita kjé-ne
 kò jñà nàchrjein-lè mìkiì kjoehet'aà.

¹³ Nainá ni saà jngod k'a kitsò-la jngod àkjale-la:
 Tijnat'eii chrja kixi-na
 skanda k'e nga s'ikjñanguia kondra-lè
 ya nánanda nga nchasòn ndsokoiì.

¹⁴ Ngats'iì àkjale, inima-né nga síxá-la Nainá; jñà nìkasén nga
 síchját'aà-la jñà xita xi tjoé-la kjondaà nga bitjokàjiin kjo'in
 kjoa ts'e jé-la.

Mé-ne 'nó chjí-la 'én xi jye kina'yá it'aà ts'e Cristo

2 ¹ Koií kjoa-la, mochjeén-né nga ngui sa ndaà s'is'in-lá
 'én xi jye kina'yá, mé-ne nga mì xìn ndiyá kjaán koni
 s'ín tjín ndiyá-la Nainá. ² Jñà kjotíxoma xi Nainá kitsjaà nga
 kisikjeén àkjale nàchrjein xi jye tsato, tjín-la okixi, kò jñà
 xita xi tshótsji jé nga mìkiì kisikitasòn kjotíxoma xi kits'iì-la,
 kjo'ín kitjoé-la koni s'ín ok'in-la. ³ Kò jñà xi titsajnaà nàchrjein
 i'ndeí, isaá 'nó s'e-ná kjo'in tsà mì k'ì s'is'iaán 'én-la Cristo nga
 jè kochrjekàjiin-ná kjo'in. Nga jè sobá Na'èn-ná kitsjaà ítjòn-ná
 'én koi. Kò jñà xi iskan kiì'nchré 'én koi, tikoáá tsibénqjmí-ná
 nga kixi kjoa. ⁴ Nainá, tikoáá kisikixiya 'én koi nga kjìn skoya
 kjoxkón kis'iin xi okó kjoa jeya-la Nainá, tikoá kisika'bísòn
 kjotjò ts'e Inima Tsjeè-la; k'oaá s'ín kitsjaà koni s'ín mejèn-la
 jè.

Yá xi ochrjekàjìin-ná kjo'in kjoa ts'e jé-ná

⁵ Nga Nainá mìtsà jǎ̀n àkǎjale-là kitsjaà-là nga jǎ̀n kotìxoma-la jè isò'nde xi iskan kjoí, jè xi titsachibàya-ná. ⁶ Ta saá tíchjaá jngoò k'a Xojon-là Nainá ñánda nga tsò:

Jì Na'èn, ¿yá-né xi xìta?

¿A ok'in-là nga jì nìkìtsjeèn-ne kò makájno-lè it'aà ts'e?

⁷ Ísaá nangui kinìkìjñi koni jǎ̀n àkǎjale, kits'i-là kjoa jeya kò 'nga kinìkìjñi nga tsatìxoma,

⁸ jí kits'i-là nga'ño nga ma kotìxoma-là ngats'iì tsojmì xi tǎ̀jín.

Tsà Nainá kitsjaà-là nga'ño nga jè kotìxoma-là ngats'iì tsojmì xi tǎ̀jín tsòyaá-ne nga nímé tsojmì tǎ̀jín xi mì jè otìxoma-là. Kixí kjoa, nachrjein i'ndeí, kj'eè kii ndaà 'ya-là tsà jè tíhotìxoma-là ngats'iì tsojmì xi tǎ̀jín. ⁹ Tanga 'ya-ná nga jè Jesús, nas'ín nangui kinìkìjñi chiba nachrjein koni jǎ̀n àkǎjale, tanga i'ndeí, jeyaá tǎ̀jina kò 'ngaá tǎ̀jina nga tíhotìxoma, koí kjoa-là nga kjo'in kisìkjeíin k'e nga k'en. Nainá, 'ño matsjakeè-ná nga kisìkasén Jesús nga jè kisìkjeíin kjo'in ts'e kjoabiyaá xi kjondaà ts'e ngats'iì xìta.

¹⁰ Jè Nainá, xi tsibíndaà yije nìta mé xi tǎ̀jín, ndaá ok'in-la koni s'ín kis'iin k'e nga kisìkatojìin kjo'in Ki'ndí-là mé-ne nga it'aà ts'e kjo'in xi tsatojìin-ne, nímé kjoa xi kichijàt'aà-là nga koma kochrjekàjìin-ná kjo'in kjoa ts'e jé-ná ngats'iì xi ixti-là Nainá maá xi jè mejèn-là nga ya kìtsajnaakoáá ñánda nga jeya tǎ̀jina jè. ¹¹ Jè xi tísìtsjeè xìta xi tǎ̀jín-là jé, kò jǎ̀n xìta xi tǎ̀jímatsjeè, tǎ̀jingoó Na'én ma. Koí kjoa-là jè Ki'ndí-là Nainá mìkii masobà-là nga 'ndse tsò-là xìta xi sítsjeè. ¹² Jè Xojon-là Nainá k'oaá s'ín tǎ̀jít'aà nga tsò:

Kènojímí-là jǎ̀n xìta 'ndsè xi it'aà tsjji,

seè-lè ya ijìin-là xìta naxandá-lè.

¹³ Tìkoaá tǎ̀jít'aà ñánda tsò:

Jé Nainá ma'ñót'aà takoàn.

Ìjngoò k'a tǎ̀jít'aà ñánda tsò:

Í tǎ̀jinaakoáa ixti xi Nainá kitsjaà-na.

¹⁴ K'oaá s'ín tǎ̀jín koni ixti-là xìta, tǎ̀jingoò jní-né kò tǎ̀jingoò yijo-né. Jesús, k'oaá tís'ín jní kò yijo kis'e-là mé-ne nga it'aà ts'e kjoa biyaá ma kisìkijne-là xìta neí xi tǎ̀jín-là nga'ño nga ma-là sík'en xìta. ¹⁵ Jesús, k'oaá s'ín komàt'in mé-ne nga

komà kisikítsajnandeí ngats'iì xit̃a xi kitsakjòn-là kjoa biyaà nga k'oaá s'ín títsajna koni tsà tjit'aà'nō-là kó tjin nàchrjein bitsajnakon xit̃a. ¹⁶ Jesús, mìtsà koií xá j'i-ne nga jñà àkjale s̃ichját'aà-là, jñà xit̃a tje-là Abraham s̃ichját'aà-là. ¹⁷ K'oaá s'ín komà-ne, jè Jesús tjinè-là nga ngàsòn k'oa's'ín xit̃a komà koni 'ndse, mé-ne nga nō'miù ítjòn kōma-ne xi tjin-là kjohimatakòn xi ndaà síkitasòn xá-là Nainá nga kōma kiichjítjì-ne jé-là xit̃a it'aà ts'e kjoa biyaà-là. ¹⁸ Koni s'ín kichit'aà nga kits'iì-là kjo'in, jè, k'oaá t̃is'ín ma-là osìkō jè xit̃a xi kō kjo'in tichit'aà-ne.

Mé-ne isa jeya t̃jna-ne Jesús mì k'oa-ne Moisés

3 ¹ Jñò ndí 'ndsè, xi xit̃a naxandá tsjeè-là Nainá 'mì-nò, xi xó k'oaá s'ín jaàjìin-nò Nainá nga xit̃a ts'e tsò-nò, k'oaá s'ín ndaà tikítsjeèn nga jè Cristo Jesús xi xó tsibíxáya-là Nainá kō jè t̃jna nga nō'miù ítjòn it'aà ts'e kjoa xi mokjeiín-ná. ² Jesús ndaà síkitasòn xá-là Nainá, nga xó k'oaá s'ín kits'iì-là koni jè Moisés, ndaà kisikitasòn it'aà ts'e naxandá-là Nainá. ³ Jesús isaá jeya t̃jna koni jè Moisés. K'oaá ngaya-là koni jngò xit̃a xi bíndaà ni'ya, isaá jeya bíjna nei-là mì k'oaá-ne koni tijè-ne ni'ya. ⁴ Ngats'iì ni'ya, tsejèn t̃jin xit̃a xi tsibíndaà; tanga jè Nainá xi tsibíndaà yije tsojmì xi t̃jin isò'nde. ⁵ Xi nguì okixi, jè Moisés, nga xit̃a ch̃i'nda-là Nainá ma, ndaà kisikitasòn xá-là it'aà ts'e xit̃a naxandá-là Nainá. Jè xá xi kis'iìn, jè-né nga kitsjaà 'én kó s'ín kichja Nainá k'e nga kōma iskan. ⁶ Tanga jè Cristo, nga Ki'ndí-là Nainá ma, jè otíxoma it'aà ts'e naxandá-là, jè naxandá-là xi tijñá-ná, tsà kixi títsajnaá skanda k'e nga kjoehet'aà nàchrjein koni s'ín nga mokjeiín-ná it'aà ts'e Nainá nga kō kjotsja-ná títsachiñá xi kjondaà-là Nainá.

Mé xi mochjeén nga kitjás'eén ñanda ma nikjáyaá it'aà ts'e Nainá

⁷ K'oaá tsò jè Inima Tsjeè-là Nainá jè xojon xi tjit'aà 'én-là Nainá, nga tsò:

I'ndeí, tsà títsana'yà jñò 'én-là Nainá,

⁸ kì tájaàjìin bitsajnakoo inima-nò

koni s'ín kis'iìn jñà xit̃a xi kondra kii-là Nainá

nga kiskoòt'aà ya i'nde it'aà xìn ñanda nangui kixi choòn.

⁹ Jñà xit̃a jchínga-nò kiskoòt'aà-na

nas'ín jye kijtseè ichán nó kjoa xi kis'iaèn.

¹⁰ Koí kjoa-la nga tsohótijna jchán-la jñà xita koi, k'oaá kixan-la: “Jñò, kjit'aà nàchrjein xìn ndiyá tjaàkoo kjohítsjeèn-la inima-nò kò mìkiì yaxkon ndiyá-na.”

¹¹ Xi kjoa jti-na, k'oaá s'ín kitsjaà ndsoba nga mìkiì kjoahas'en-jiìn i'nde ts'an ñánda ma nìkjáya.

¹² Ndí 'ndsè, t'een kindà yijo-nò, nijngòò xi ch'o síkíjna inima-la nga mìkiì mokjeiín-la mé-ne nga mì kìnchat'aaxìn-la Nainá xi tíjnakon. ¹³ Ta saá, nàchrjein nchijòn tjiì nga'ño-laà xinguioo, k'e nga tíjna-isa nàchrjein, mé-ne nga mìkiì kotájaàjiìn-ne inima-nò nga mìkiì ma skónachan-nò kjoa ts'e jé. ¹⁴ Jñá yaá nokjoá-aná it'aà ts'e Cristo, tsà k'oas'ín ndaà kòkjeiín-ná skanda k'e nga kjoehet'aà nàchrjein koni s'ín kòkjeiín-ná nga tisa tàts'en-la kjoa.

¹⁵ Xojon-la Nainá k'oaá s'ín tíchja nga tsò: i'nde, tsà titsana'ya jñò 'én-la Nainá, kì tájaàjiìn bitsajnakoo inima-nò koni s'ín kis'iìn jñà xita xi kondra kii-la Nainá.

¹⁶ ¿Yá xita-ne xi kii'nchré 'én-la Nainá, ikjoàn kondra kii-la? Tijñà-ne ngats'iì xita xi jè Moisés tsachrjekàjiìn i'nde Egipto.

¹⁷ ¿Kò yá xita-ne xi ichán nó tsibijnajchán kò Nainá? Jñà-né xita xi tsohótsji jé, xi ya k'en ya iya ndiyá ya i'nde it'aà xìn ñánda nangui kixì choòn. ¹⁸ ¿Kò yá xita-ne xi Nainá kitsò-la nga mìkiì kjoahas'en-jiìn i'nde ñánda tjín kjoa nìkjáya? Jñà-né xita xi mìkiì kii'nchréñijon-la. ¹⁹ Kò k'oaá s'ín tísijìin-ná nga mìkiì jahas'en-jiìn i'nde ñánda ma nìkjáya, koí kjoa-la nga mìkiì kòkjeiín-la.

4 ¹ Nainá k'oaá s'ín kitsjaà-ná 'én nga kitjás'eén ya i'nde-la ñánda ma nìkjáyaá. K'e nga tákó tíjna-isa 'én xi kitsjaà Nainá, ngats'iaá mochjeén-né nga ndaà síkindaá yijo-ná mì k'oa-ne tsà mì kì kitjás'eén. ² Nga jñá, k'oaá tís'ín jye kis'enojmíya-ná 'én ndaà-la Nainá, koni s'ín kis'enojmíya-la jñà xita jchínga-ná. Tanga jñà xita jchínga-ná nímé kjondaà kisakò-la nga mìkiì ngásòn kòkjeiín-la koni jñà xita xi i'nga xi kisitasòn jñà 'én koi. ³ Tanga jñá xi jye mokjeiín-ná, kitjás'en-ná ya i'nde ñánda ma nìkjáyaá, ñánda kitsò Nainá:

Xi kjoa jti-na, k'oaá s'ín kitsjaà 'én-na xi ndsoba kichjà-na nga mìkiì kjoahas'en-jiìn i'nde ts'an ñánda ma nìkjáyaá.

Tanga Nainá jye kjòtsee jyehet'aà xá xi kis'iìn kóni skanda k'e nga tsibíndaà isò'nde. ⁴Xojon-la Nainá, k'oaá s'ín tichja ts'e xi ma-ne itò ñachrjein:

Xi ma itò ñachrjein kisikjáya Nainá nga komà jyehet'aà yije xá-la.

⁵Tijè-ne Xojon-la Nainá, ijngò k'a tichja ñánda tsò:

Mikiì kjoahas'en-jìin ya i'nde-na ñánda ma nìkjáya.

⁶Jñà xitá xi kii'nchré ítjòn 'én xi ndaà tsò, mikiì jahas'en i'nde ñánda ma nìkjáya nga mikiì kisitasòn; tanga ñachrjein i'ndeí tjin-isa xitá xi chija nga koma kjoahas'en-jìin i'nde ñánda ma nìkjáya. ⁷Koí kjoa-la Nainá tsibíjna ijngò-isa ñachrjein xitse, jè ñachrjein i'ndeí. Nga isa 'nó komà iskan jè xitaxá ítjòn xi ki'mi David, k'oaá s'ín tsibít'aà Xojon-la Nainá jñà 'én xi tsò:

Jñò, ñachrjein i'ndeí tsà titsana'yà 'én-la Nainá kì tájaàjìin nìkítsajnaà inima-nò.

⁸Jè Josué, nga mikiì komà kitsjaà-la kjoa nìkjáya jñà xitá Israel, koí kjoa-la Nainá kitsjaà ijngò-isa ñachrjein xitse.

⁹K'oaá ma-ne jè ñaxandá-la Nainá tjna ijngò-la ñachrjein tsjeè ts'e kjoa nìkjáya; ¹⁰nga jè xitá xi fahas'en-jìin kjoa nìkjáya xi ts'e Nainá, tikoáá síkjáya-ne kjoa ts'e xá-la, koni s'ín kisikjáya Nainá it'aà ts'e xá xi kis'iìn. ¹¹Mochjeén-né nga k'oi-lá nga'ño yijo-ná nga kitjás'en-jñaá kjoa nìkjáya-la Nainá; mikiì k'oaá s'ín s'eén koni kis'iìn jñà xitá xi mikiì kòkjeín-la nga kisikitasòn.

¹²'Én-la Nainá tjinakon-né kò tjin-la nga'ño. Ìsaá ndaà ote mì k'oa-ne jngò kichja ndojò xi yijò nga ingajò ngobà-la; fahas'en-jìin-né skanda ya jìin inima-ná kò ya jìin kjohitsjeèn-ná. Tikoáá fahas'en-jìin-né skanda ñánda tìkjòò nindaà-ná kò iya nindaà-ná; ótsjiya-né kjohitsjeèn-la inima-ná mé xi mejèn-la nga s'iin. ¹³Ngats'iì xi Nainá tsibíndaà, nì mé tjin xi tjna'ma, nga ngats'iì kjoa tjna tsejèn-né; tíbeè-ne xkon jè xi tjinè-la nga k'oi-lá kindá.

Jè xi ngui no'miì ítjòn tjna

¹⁴Jesús xi ki'ndí-la Nainá, jè-né xi ngui sobà no'miì ítjòn tjna it'aà tsaján, jè-né xi jahas'en ngajmiì nga nguixkon Nainá. K'oaá ma-ne nga mochjeén-né nga kixi kítsajnaakoá jñà 'én xi mokjeín-ná. ¹⁵Jè xi no'miì ítjòn tjna it'aà tsaján, komaá kohimakeè-ná k'e nga mahindaà; nga jè, k'oaá tìs'ín kichít'aà

koni jñá, tanga mìtsà jé tsohótsji. ¹⁶Kíjngòè-lá takoán nga kìnchat'aá chrañà-lá íxile kjotíxoma-lá Nainá xi tse kjondaà tjín-lá, mé-ne nga skoe imá-ná kjondaà xi tjín-lá koa kosíko-ná k'è nga mé xi kochjeén-ná.

5 ¹Ngats'iì jñà nò'miì ítjòn, yaá tjaájiìn it'aà ts'è xita naxandá. Jè xá tjínè-lá nga chjatjì xita nga nguixkon Nainá tikoá tsját'aà-lá kjotjò Nainá ko sík'en cho xi kjoa ts'è jé-lá xita. ²Jñà nò'miì, tikoáá mahindaàjiìn iníma-la; k'oaá s'ín ma-ne nga ma beèhíma jñà xita xi mìkiì machiya-lá ko xi xìn ndiyá tjímaya. ³Koií kjoa-lá nga ma indaàjiìn iníma-lá nò'miì, tjínè-lá nga sìk'en-lá cho kjotjò xi tsjá-lá Nainá xi kjoa ts'è jé-lá ko tikoá sìk'en cho kjoa ts'è jé-lá naxandá.

⁴Jñà nò'miì, mìtsà tà jñà tajngòè bít'aà xá 'nga yijo-lá; jè Nainá xó chja-lá koni s'ín kiichja-lá jè Aarón. ⁵K'oaá tìs'ín tjín it'aà ts'è Cristo, mìtsà tà jè tajngòè kiskoé xá xi ts'è nò'miì ítjòn, Nainá kitsjaà-lá xá 'nga k'è nga kitsò-lá:

Jì-né xi Ki'ndí-na xan-lè;
'aán-ná xi Na'èn-lè.

⁶Tijè-ne Xojon-lá Nainá, ijngòè k'a tíchja ñanda tsò:

Jì-né xi nò'miì tijni nita mé naxrjein-ne,
xá-lè, k'oaá s'ín tjín koni xá xi kisikitasòn Melquisedec.

⁷Jè Cristo k'è nga sa tsibijna i isò'nde, 'ño kiichjat'aà-lá Nainá, nguì koó ndáxkon tsibítsi'ba-lá koa kisijét'aà-lá jè xi tjín-lá nga'ño nga ma-lá kochrjekátjì it'aà ts'è kjoa biyaà; Nainá kii'nchré-lá nga ndaà kijtseèxkón. ⁸Jè Cristo, nas'ín ki'ndí-lá Nainá ma, yaá komà-lá kisikitasòn, k'è nga kisikjeiín kjo'in. ⁹K'è nga jye mì tì mé xi kichijàt'aà-lá, k'oaá s'ín tsibijna nga jè kochrjekátjì kjo'in xita nita mé naxrjein-ne, ngats'iì xi 'nchréñijon-lá, ¹⁰Nainá kisikíjna Jesús nga nò'miì ítjòn tsibijna, kitsjaà-lá xá koni ts'è Melquisedec.

Jñà xita xi mìkiì machiya-lá mé kjoa xi kixi tjín

¹¹It'aà ts'è kjoa koi, 'ño tjín-isa kjoa xi s'enojmíya-nò, tanga 'ño chjá tjín nga s'enojmí-nò, koi kjoa-lá nga jñò, mìkiì machiya-nò. ¹²Jñò, skanda kjòtseé maestroó-là titsajnaà tsà ndaà; tanga jñò, tákó mochjeén-nò nga chíta'yà xitse ijngòè k'a 'én-lá Nainá xi mì 'in chja koni s'ín komà-nò nga sa ítjòn. K'oaá s'ín tímat'iodn koni ndí íxti xi tákó tsjín 'biì, mìkiì mochjeén-lá nga tsojmì tájaà skine. ¹³Ngats'iì xi tákó tsjín

'biì, ixti-né, mìkiì machiya-la mé kjoa xi kixi tjin. ¹⁴Tanga jñà tsojmi xi ma chine xi tájaà kjoàn, ts'eé xita xi jye kòjchínga, jñà xi jye machiya-la mé kjoa xi ndaà tjin kò mé kjoa xi mìkiì ndaà tjin nga k'oaá s'in nchisíjchá yijo-la.

6 ¹Koí kós'in mochjeén-ne nga chíta'yà 'én-la Cristo xi isa ndaà kojchíngakoaá kjoa ts'e Nainá mé-ne nga nimé chijat'aà-ná nga xita-la Cristo maá. Mì tijñà tijñà 'én chíta'yà-aná xi kichíta'yá nga sa ítjòn it'aà ts'e Cristo. Mì tijñà tijñà 'én sikítsjeèn-ya-ná kó s'in ma nga nìkájnoaá jé xi tjin-ná xi kjoabiyaá fikò-ná. Kò tikoaá mì tijñà tijñà 'én sikítsjeèn-ya ijngòd k'a-ná kó s'in kòkjeiín-ná it'aà ts'e Nainá ²kò kós'in ma bautizar xita, kò kós'in oyijòsòn-lá ndsaá jñà xita xi mokjeiín-la it'aà ts'e Cristo. Kò tikoaá mì tijñà tijñà 'én sikítsjeèn-ya ijngòd k'a-ná kó s'in kjoaáya-la jñà xita xi jye k'en, kò kós'in s'iin Nainá nga kùndaàjiin-la xita mé xi ok'in-la nga tsjá-la nita kjé-ne. ³Mochjeén-né nga chíta'yà 'én xi isa ndaà kojchíngakoaá kjoa ts'e Nainá; tsà Nainá tsjá'nde nga kós'in koma, k'oas'in s'eén.

⁴Nga jñà xita xi jye kjòhiseèn-la kjòhítsjeèn-la, xi jye kisaseèn-takòn kjondaà xi tsjá Nainá, xi tikoa jye ngásòn kitjoé-la Inima Tsjeè-la Nainá, ⁵xi jye kisaseèn-takòn 'én ndaà-la Nainá kò nga'ño-la isò'nde xi sa kjoí, ⁶tsà ijngòd k'a xìn ndiyá kjoí, tsà tsjin takòn 'én-la Nainá, mì tì kiì koma kondaàya-ne kjòhítsjeèn-la nga koófat'aà ijngòd k'a-la Nainá; nga jñà xita koi, kjoa xi nchis'in, k'oaá ngaya-la koni tsà krò nchihót'aà ijngòd k'a jè Ki'ndí-la Nainá nga tsjá-la kjosobà nga nguixkòn ngats'iì xita. ⁷K'oaá s'in ngaya-la koni jè nangui, k'e nga 'ba jtsí, ma'nchí'nde-né. Tsà ndaà xka xi bisò xi mochjeén-la xita xi síxáko nangui, jè Nainá síchikon-t'in nangui. ⁸Tanga tsà na'yá chinì kò na'yá xanchroò bisò, nimé chjí-la, mìtsà nangui ndaà nga nguixkòn Nainá; kijchò naxrjein nga tà kitì-né.

⁹Jñò ndí 'ndsè, xi matsjacha-nòjen, nas'in k'oas'in nokjoà-jen, k'oaá s'in tíjngòd takòn-jen nga tjoé-nò kjoa xi 'ño ndaà tjin, ngats'iì kjondaà xi tjin-la xita xi jye itjokàjiin kjo'in. ¹⁰Nga Nainá, xita kixi-né, mìkiì síjchàajiin xá-nò xi jye ki'nè kò kjoatjòcha xi tjin-nò nga nìchját'aà-la xita naxandá-la Cristo, koni s'in titsa'nè skanda naxrjein i'ndeí. ¹¹Tanga ngajen, k'oaá s'in mejèn-najen nga kjit'aà naxrjein nguì koó kjotsja

nga kòs'ín tìxá nga jngoò ìjngoò skanda k'e nga kjoehet'aà nàchrjein-nò mé-ne nga kítasòn-ne kjoa xi titsachiñá-láa.
¹²Majín-najén nga ts'eè s'een. Chjíngruì-là jñà xitá xi jye nchitjoé-lá kjojtò koni s'ín kitsjaà tso'ba Nainá koií kjoa-lá nga ndaà mokjeiín-lá kò tjín-lá kjoatsejta.

Kó tsò 'én xi kiìchja Nainá koni s'ín kitsjaà-lá tso'ba Abraham

¹³Nainá k'e nga kitsjaà-lá tso'ba Abraham, k'oaá s'ín kitsjaà kixi 'én-lá nga tije tsasèn-ne nga mì tì yá tjín-ne xi isá 'nga tìjna koni jè; k'oaá s'ín kiìchja, ¹⁴nga kitsò: “An, 'nó ndaà sichikon-t'in-lè, tìkoá 'nó kòkjìn-ya jñà ixti-lè.” ¹⁵K'oaá s'ín komà-ne Abraham kiskodñàkjoa, i_kjoàn kitjoé-lá koni s'ín kitsò Nainá. ¹⁶Jñà xi taxkì xitá, k'e nga tsjá 'én-lá, síkjeén jngoò 'ín-lá jngoò xi isá 'nga tìjna mé-ne nga síkixiya-ne 'én xi tsjá. Kò tà yaá fehet'aà kjoa. ¹⁷K'oaá s'ín ma-ne k'e nga jè Nainá k'oaá s'ín kjo'mejèn-lá nga kitsjaà kixi-lá 'én jñà xitá xi tjoé-lá kjojtò nga siìkitasòn koni s'ín kitsjaà tso'ba, kitsjaà jngoò 'én xi 'nó xkón tjín nga nímé xi ma kjoatjìya. ¹⁸Jñà 'én koi xi jò ma-ne xi mìkiì ma fatjìya, nga mìkiì koma skónachan-ná Nainá, yaá 'nó sakó-lá nga'nó inìma-ná, jñá xi mejèn-ná nga Nainá kòsìko-ná nga nguì jè kjit'aà takoán nga titsachiñá-lá jè kjoa kixi-lá xi jè jye kitsjaà-ná. ¹⁹Jè kjoa kixi xi titsachiñá-lá, k'oaá s'ín síkìjna kixi inìma-ná koni jngoò kìchà xi sit'aà'nó-ne chitso, kò jè kjoa kixi xi òkji skanda maá jahas'en ya 'ìnde tsjeè ñánda tjobájtò nikje cortina, ²⁰ya ñánda jahas'en Jesús nga tsohójnandaà-ná ndiyá, nga no'miì ítjòn tìjna nità mé nàchrjein-ne koni jè Melquisedec.

Jesús, k'oaá s'ín ngaya-lá koni jè no'miì ítjòn xi ki'mi Melquisedec

7 ¹Melquisedec xi xitá xá ítjòn tsibìjna ts'e naxandá Salem, tìkoá no'miì ítjòn tsibìjna ts'e Nainá xi tìjna ngajmiì, kiì kaña-lá Abraham k'e nga tìnchrobá-ne nga jye kisikijne yije-lá xitaxá ítjòn xi kiskaàn-kò. Melquisedec kisichikon-t'in Abraham. ²Jè Abraham, teya kis'iìn tsojmì xi kisakò-lá ts'e kjoajchán, kò jngoòya kitsjaà-lá Melquisedec. 'Ín xi 'mì Melquisedec, tsòyaá-ne: xitaxá ítjòn xi tjín-lá òkixi. Tìkoá jè 'ín xi 'mì xitaxá ítjòn ts'e Salem, tsòyaá-ne: xi tjín-lá kjoa'nchán. ³Jè Melquisedec mìkiì 'ya-lá tje-lá, yá na'è'n-lá, yá

nea-la, ñánda kits'iin, ñánda k'en; k'oaá s'ín mangásòn-kò koni Cristo xi Ki'ndí-la Nainá nga jè Melquisedec tikoá no'miì ítjòn tíjna nítá mé nàchrjein-ne.

⁴Jñò tikítsjeèn nga 'ñó 'nga tsibìjna Melquisedec, skanda jè xítá jchínga-ná Abraham teya kis'iin tsojmì xi kisakò-la ts'e kjoajchán, kò jngòya kitsjaà-la Melquisedec. ⁵Kixí kjoá, k'oaá s'ín tíchja kjotíxoma-la Moisés xi Nainá kitsjaà-la nga jñà xítá naxandá tíjnè-la nga teya siìjòya tsojmì xi tíjn-la, jngòya tsjá-la jñà no'miì xi tje-la Leví, nas'ín tí xítá xíkjín-ne xi ya nchrobát'aà-ne tje-la Abraham. ⁶Tanga jè Melquisedec, mìtsà tje-la Leví, tanga kitjoé-la xi jngòya oko-la tsojmì xi teya kis'iin Abraham, ikjoàn k'eé kisìchikon-t'in, nas'ín jè Abraham xi kitjoé-la 'én xi tso'ba Nainá kiìchja-ne. ⁷Nga jyeé tíjiin-ná, jè xi síchikon-t'in xítá, isaá 'nga tíjna mì k'oaá-ne koni jè xi machikon-t'in. ⁸Jñà no'miì xi tje-la Leví xi tjoé-la xi jngòya oko-la xi teya s'ín xítá naxandá Israel, mìtsà ta bìtsajnakon kjít'aà, bijchó nàchrjein nga biyaà; tanga it'aà ts'e Melquisedec, jè Xojon-la Nainá, k'oaá s'ín 'ya-la koni tsà jngòd xítá xi tákó tíjnakon skanda nàchrjein i'ndei. ⁹Jñà no'miì xi nchrobát'aà-ne tje-la Leví xi tjoé-la xi jngòya oko-la xi teya s'ín xítá naxandá Israel, komaá k'oakixoán nga tikoá jè Melquisedec kitjoé jngòya-la it'aà ts'e xítá koi k'e nga kitsjaà jngòya-la Abraham, ¹⁰nga jñà no'miì xi tje-la Leví, yaá nchrobát'aà-ne tje-la Abraham. Nas'ín kj'eè kiì ts'iin Leví k'e nga jè Melquisedec ijchò kaña-la Abraham, k'oaá s'ín ngaya-la koni tsà jñà no'miì Israel, jyeé ya títsajnakò Abraham nga nchitsjá-la kjotjò xi jè tjoé-la Melquisedec.

¹¹Jñà kjotíxoma xi kitjoé-la jñà xítá Israel, yaá inchrobát'aà-ne it'aà ts'e no'miì xi tje-la Leví; tanga jñà no'miì koi, mìkiì komà-la nga jngòd k'a kisikixiya xítá nga mì tí mé chijat'aà-la. K'oaá s'ín komà-ne nga j'iì ijngòd no'miì xi jè mangásòn-kò Melquisedec, kò mìtsà jè mangásòn-kò Aarón xi tje-la Leví. ¹²K'e nga fatjìya no'miì, kós'ín síxá, tikoá mochjeén-né nga kjoatjìya kjotíxoma. ¹³Koni s'ín tíchja 'én-la Nainá, jè xi kitjoé-la xá koni ts'e Melquisedec, kj'eíj tje-né; ya ñánda inchrobát'aà-ne, ní saá jngòd no'miì bitjokàjiin. ¹⁴K'oaá s'ín 'ya-la nga jè Nà'én-ná Jesucristo, yaá inchrobát'aà-ne tje-la naxandá Judá. Tje-la naxandá jè, mìkiì kisikaxki Moisés k'e nga kiìchja it'aà ts'e no'miì.

¹⁵ Kjoa koi, isaá ndaà makixiya-ná tsà jè nò'miù xitse sikkitasòn koni s'ín kisikitasòn jè Melquisedec. ¹⁶ Nga mìtsà k'oaá s'ín kitjoé-la xá ts'e nò'miù koni s'ín tíchja kjotíxoma yá ts'e tje xi inchrobàt'aà-ne nga nò'miù kisikitasòn. Ta saá k'oaá s'ín kitjoé-la xá it'aà ts'e nga'ño xi tjin-la nga mìtsà yá xi koma-la jngoò k'a sikk'en. ¹⁷ K'oaá s'ín tíchja 'én-la Nainá xi it'aà ts'e, nga tsò:

Ji-né xi nò'miù tijni nita mé nachrjein-ne,
k'oaá s'ín mangásòn-koi koni jè Melquisedec.

¹⁸ K'oaá s'ín komà-ne nga kichjàngui kjotíxoma jhínga, koi kjoa-la nga tsjin-la nga'ño tikoa mì tì kii tímochjeén-ne. ¹⁹ Nga jè kjotíxoma jhínga xi kiskii Moisés, nimé xi kisikixiya xita; tanga nachrjein i'ndeí, tjin ijngoò-ná kjoa xi isa ndaà tjin xi titsachiñá-lá jè xi sikinchat'aà chrañà-ná Nainá.

²⁰ Nainá k'oaá s'ín kitsjaà kixi 'én-la xi xkón tjin k'e nga kitsjaà tso'ba nga nò'miù ítjòn kína Cristo. Jñà nò'miù xi i'nga, ta k'oaá s'ín kitjoé-la xá, mìtsà yá xi kitsjaà 'én-la. ²¹ Tanga xi it'aà ts'e Na'én-ná Jesús, k'oaá s'ín tíchja xojon xi tjit'aà 'én-la Nainá nga kitsò:

Na'én-ná k'oaá s'ín kitsjaà kixi 'én-la;
mìkii sikkjatjya-la kjohítsjeèn-la nga tsò:
“Ji-né xi nò'miù tijni nita mé nachrjein-ne.”

²² K'oaá s'ín ma-ne nga jè Jesucristo osen-tji-ná nga nguixkon Nainá nga jè bíndaajiin ko-ná jngoò kjoa xitse xi isaá ndaà tjin. ²³ Tikoaá jñà nò'miù xi kisixá xi tje-la Leví, jyeé kjin ma xi jye kisikitasòn xá-la tanga koií kjoa-la nga biyaà nga mìkii ma síxá-isa. ²⁴ Tanga jè Jesús tijnakon-ne nita kjé-ne, k'oaá ma-ne nga nò'miù tjna nita mé nachrjein-ne. ²⁵ K'oaá s'ín ma-ne nga ma-la ochrjekajiin kjo'in xita nita mé nachrjein-ne, ngats'iì xita xi it'aà ts'e Jesús bijchó nguixkon Nainá; jè tijnakon-né nita kjé-ne mé-ne nga bítsi'batji xita.

²⁶ It'aà tsaján, nguì jè Jesús xi mochjeén-ná nga nò'miù ítjòn tjna: nga xita tsjeè-né; nimé jé tjin-la; mì tje kji inima-la; tijnat'aaxìn-la xita jé, ko jè xi isa 'nga tjna ján ngajmiì.

²⁷ Mìtsà k'oas'ín koni s'ín nò'miù ítjòn xi i'nga, nga nachrjein nchijòn sík'en cho nga tsjá kjotjò-la xi kjoa ts'e jé-la, ikjoàn tsjá ts'e jé-la xita naxandá. Tanga Jesús k'e nga kitsjaà kjotjò yijo-la nga k'en, jngoò k'aá kitsjaà nita kjé-né. ²⁸ Jè kjotíxoma xi kitsjaà Moisés, k'oaá s'ín tíchja nga jñà kítsajna nò'miù

ítjòn xi taxkì xità xi chiba nga'ño tjin-la; tanga jè 'én xi xkón tjin xi iskan kitsjaà Nainá, k'oaá s'ín tichja nga jè Ki'ndí-la Nainá, kájna no'miì ítjòn, jè xi k'oas'ín kisikò Nainá nga nimé chijat'aà-la nita kjé-ne.

Jè kjoa xitse xi tsibí'ño Jesús

8 ¹Ngats'iì kjoa xi chibàya-ná, tjin jngodò xi isaá 'ño chjí-la, jè-né nga tjna jngodò-ná no'miì ítjòn xi tsibijnat'aà chrja kixi-la íxile kjotíxoma-la Nainá ján ngajmiì. ²Yaá síxá ya ñánda tjna xi ngui Ni'ya Tsjeè-la Nainá, xi jè sobà Nainá tsibíndaà; mìtsà taxkì xità tsibíndaà.

³Ngats'iì no'miì ítjòn, k'oaá s'ín satíxoma-la nga kjotjò tsját'aà-la Nainá kò cho sík'en; k'oaá ma-ne nga jè Cristo tikoá tjinè-la nga kis'e-la mé kjotjò xi kitsjaat'aà-la Nainá. ⁴Jè Cristo, tsà i tjna it'aà nangui, skanda mì-la kii koma nga no'miì kájna, nga i it'aà nangui, jyeé tjin no'miì xi tsját'aà-la kjotjò Nainá koni s'ín tjin kjotíxoma xi kiskii Moisés. ⁵Tanga jña no'miì xi tjin i it'aà nangui, yaá síxá ni'ya xi tà isén-la-né kò 'nguién-la-né jè Ni'ya Tsjeè-la Nainá xi tjna ngajmiì; nga jè Moisés k'e nga jye mejèn koìts'ia nga kiiindaà ni'ya tsjeè-la Nainá xi nikje, jè Nainá kitsò-la: “Ndaà chítsejin, k'oa kó kji t'iin koni kji xi tsakoò-lè ya nindoò Sinaí.” ⁶Tanga nachrjein i'ndeì, isaá ndaà tjin xá xi kitjoé-la Jesucristo nga no'miì ítjòn tjna, nga jè osijnajin jngodò kjoa xitse xi isa ndaà tjin xi tsibíndaàjin Nainá kò xita, nga yaá nchrobát'aà-ne 'én xi isa ndaà tjin koni s'ín jye kitsjaà tso'ba Nainá.

⁷Tsà nimé xi kisichijat'aà-la jè kjoa xi kisindaàjin ítjòn, mì-la kii mochjeén nga ijngodò k'a sindaàjin xi ma-ne jò k'a. ⁸Tanga Nainá k'e nga tsohótiko, k'oaá kitsò:

Kijchò nachrjein k'e nga kiiindaàjin-kò jngodò kjoa xitse jña xita Israel kò xita Judá, kitsò Nainá.

⁹Jè kjoa xitse xi kiiindaàjin-koa, mìtsà k'oas'ín sindaàjin koni ts'e xita jchínga-la, k'e nga 'an sobà kitsobà tsja nga tsachrjekajña nangui Egipto.

Jña xita koi, mìkii kisikitasòn koni s'ín kisindaàjin, k'oaá komà-ne nga kitsjin takoàn, tsò Nainá.

¹⁰K'e nga jye koma iskan,

jè kjoa xitse xi kındaajñaàkoaa xita Israel, kiís'ín s'e, tsò
Nainá:

Kjotíxoma-na yaá kijnajñaà ya kjohítsjeèn-la,
ko yaá skiaà ijìin inima-la.

'An-ná xi Nainá kitsò-na,
ko jña-né xi koma xita naxandá-na.

¹¹ Mì tì kiì kochjeèn-ne nga xita xíkjin keènojmiya-la
ni mìtsà jè 'ndse keènojmi-la nga skoexkon Nainá,
nga ngats'iì xita skoexkon-na
mats'iaako-ne xi isa ixti skanda jña xi 'ño xita jchínga.

¹² 'Aán siìjchàat'aà-la ngats'iì kjoa ch'o xi kis'iin,
mì tì kiì siìkítsjeèn-na jé xi tjín-la.

¹³ K'e nga Nainá síkaxki ìjngod kjoa xitse, tsòyaá-ne nga jè kjoa
xi kındaajjìn ítjòn, jyeé kòjchínga. Mì tì kiì tímochjeèn-ne,
jyeé tíchija.

Jè Ni'ya Tsjeè-la Nainá xi nikje

9 ¹ Jè kjoa xi tsibındaajjìn ítjòn Nainá kis'ee-la kjotíxoma
kós'ín ma nga jeya nìkijnaá Nainá ko kis'e jngod-la
ni'ya tsjeè i it'aà nangui. ² Jè Ni'ya Tsjeè-la Nainá xi nikje,
k'oaá s'ín tjindaà nga jngod i'nde tjna ítjòn xi 'mì I'nde Tsjeè,
ñánda tjna kichá xi tya ni'ín ko ñánda tjna ímixa xi nchasòn
inchrajín tsjeè-la Nainá. ³ Jè nikje cortina xi ma jò-ne xi tjobá
jngod osen ni'ya nikje, ya ijton kijjna i'nde xi 'mì I'nde xi isa
'Ñó Tsjeè. ⁴ I'nde jè, yaá kijjna jngod kaxa xi nguì oro ñánda
tisòn chrjongó-la Nainá; tikoá yaá kijjna kaxa xi nguì oro
yijàjno ts'e kjoa xi tsibındaajjìn Nainá. Kaxa jè, tijnaya jngod
tjì kichá xi nguì oro ñánda 'ncha inchrajín xi 'mì maná,
tikoá yaá kjinaya yá nise-la Aarón xi tsibíjts'én-t'aà chrja-la
ko ya 'ncha jña ndajo teè ñánda tjít'aà kjotíxoma-la Nainá xi
kitjoé-la Moisés. ⁵ Ya isòn kaxa 'ncha isén-la àkjale xi querubín
'mì xi tjín-la jngaá xi okó kjoa jeya-la Nainá; jña jngaá-la
bíjtsa'ma jè kaxa. Tanga i'nde, jña kjoa koi, mìkiì mochjeén
nga ìjngó ìjngó skaya koxki.

⁶ K'e nga jye k'oas'ín kisinchaàndaà tsojmì koi, jña no'miì,
kjit'aà nachrjein fahas'en ya Ni'ya Tsjeè-la Nainá xi nikje, jè
i'nde xi tjna ítjòn, nga síkitasòn xá-la nga beèxkón Nainá.
⁷ Tanga jè i'nde xi ma-ne jò, ta jè tajngod no'miì ítjòn fahas'en
jngod k'a nga jngod nó; k'e nga fahas'en, tjínè-la nga jní-la

cho 'ba xi tsját'aà-là Nainá kjoa xi tít's'e-ne jé-là kò ngats'iì jé-là xítà naxandá, jñà xi mìkì tjiin-là tsà jé ótsji. ⁸ Jè Iníma Tsjeè-là Nainá k'oaá s'ín síkíchiya-ná, k'e nga tákó jè tímochjeén Ní'ya Tsjeè xi níkje xi kisindaà ítjòn, kj'eè kii táx'a'nde nga koma kitjás'eén jè I'nde xi Ìsa 'Nó Tsjeè. ⁹ Jñà kjoa xi komà kjòtseé, tà kjoa mangásòn-né koni s'ín tíma nàchrjein i'nde; nga jñà kjòtjò kò jní-là cho xi kixíxteèn i'nde jè, tsjin-là nga'nó nga siitsjeè kjohítsjeèn-là xítà xi k'oas'ín beèxkón Nainá. ¹⁰ Kjoa koi, tà kjoa ts'eé yijo-là xítà, mé tsojmì xi ma chine kò xi ma 'yò, koa kós'ín sítsjeè yijo-là xítà; tà k'oaá s'ín tjen kochjeén skanda k'e nga jè Nainá síkijatjia-là ngats'iì kjoa koi.

Nga'nó xi tse tjín-là jè jní xi tsibíxteèn Cristo

¹¹ Tanga jyeé j'ìi Cristo nga no'miì ítjòn tíjna it'aà ts'e kjondaà-là Nainá xi jye tíma. Yaá jahas'en Ní'ya Tsjeè-là Nainá jè xi Ìsa 'nó ndaà choòn kò xi Ìsa kixì tjín, nga mìtsà tsja xítà kisindaà-ne jè xi tsò-ne kjoa nga mìtsà i it'aà nangui kisindaà. ¹² Cristo, jngòò k'aá jahas'en ya I'nde Tsjeè. Mìtsà tì jní-là tíndso kò jní-là nchraja jahas'en-kò-ne. Ts'e sobá jní jahas'en-ne. K'oaá s'ín kis'iìn nga tsibíhjtjì jé-ná, mé-ne nga komà kisíkítsajnadeí-ná nítà mé nàchrjein-ne. ¹³ Jè jní-là nchraja kò jní-là tíndso kò chijo-là nchraja kiti xi nchraja chjoón ki'ndí, maá-là sítsjeè yijo-là xítà xi xa'ya-là k'e nga xíxteèn-jno. ¹⁴ Tsà k'oaá s'ín bitasòn kjoa koi, jè jní xi tsibíxteèn Cristo, isaá tse nga'nó tjín-là. Nga it'aà ts'eé nga'nó-là Iníma Tsjeè xi tíjnakon nítà mé nàchrjein-ne nga kitsjaà kjòtjò-là Nainá yijo-là xi mìtsà mé jé tjín-là. Jè jní-là Cristo sítsjeèya kjohítsjeèn-nò nga mì tì kii koa tís'ín s'en-nò kjoa xi fiko-ná kjoabiyaà, mé-ne nga ma síxá-là Nainá xi tíjnakon.

Jè kjoa xítse xi tsibíndaajìin Nainá kò xítà

¹⁵ K'oaá ma-ne nga jè Cristo osijnajiin osen koni s'ín tsibí'nó jngòò kjoa xítse. K'e nga k'en ngajo-là xítà, jè tsibíhjtjì jé-là xi tsohótsji xítà k'e nga tisa jè tíhotíxoma kjoa xi kisindaajìin ítjòn, mé-ne ngats'iì xítà xi xó jaajìin-ne tjoé-là kjòtjò xi tsjá Nainá nítà kjé-ne koni s'ín kitsjaà 'én-là Nainá xi tso'ba kiichja-ne. ¹⁶ K'e nga jngòò xítà mejèn-là síka'bí tsojmì xi

tjín-la, bíndaà jngoò xojon xi bí'ño. Skanda k'eé mochjeén k'e nga biyaà jè xita xi bíndaà. ¹⁷Tanga xojon jè, nimé chjì-la k'e nga tikj'eè biyaà xita xi tsibíndaà; skanda k'eé chjì-la k'e nga kiyá. ¹⁸Jè kjoa xi kisindaàjiin ítjòn k'oaá tís'ín kisindaàjiin nga cho k'en mé-ne komà kixíxteèn-ne jní. ¹⁹Moisés, k'e nga jye tsibíxkejiin-la xita naxandá ngats'iì kjotíxoma-la Nainá, ikjoàn kiskoé jní-la tindsó ko jní-la nchraja ki'ndí ko kisikájiin nandá; ko kiskoé jngoò chrja-la yá hisopo ko tsja-la orrè xi inì kjoàn; jahajiin jní-la cho; ikjoàn tsibíxteèn-jno jè xojon xi tjít'aà kjotíxoma-la Nainá; k'eé tsibíxteèn-jno ngats'iì xita naxandá. ²⁰Moisés kitsò: “Jè jní jè xi síkixiya kjoa nga koma síkitasòn koni s'ín tsibíndaàjiin-ko-nó Nainá.” ²¹Moisés, tikoá tsibíxteèn-jno jní jè Ni'ya Tsjeè-la Nainá xi nikje ko ngats'iì tsojmì xi mochjeén k'e nga yaxkón Nainá. ²²Koni s'ín tíchja xojon xi tjít'aà kjotíxoma-la Nainá, mejèn tsà ngats'iì kjoa, saá jní matsjeèya-ne; tsà mìkiì xíxteèn jní, mìkiì koma jchat'aà-la jé-la xita.

²³K'oaá s'ín kjòchjeén nga jní-la cho matsjeèya-ne jè Ni'ya Nikje Tsjeè ko tsojmì xi tjíya xi mochjeén k'e nga yaxkón Nainá; jñà tsojmì koi, ta okó-né koni choòn ján ngajmiì; tanga jñà xi tjín ngajmiì, mochjeén-né nga biyaà jngoò xi isa xkón tjín mé-ne koma kotsjeèya-ne.

²⁴Tanga Cristo, mìtsà ya jahas'en Ni'ya Nikje Tsjeè xi tsja xita kisindaà-ne, xi ta okó xi tjín ngajmiì. Cristo, nguì yaá jahas'en ngajmiì nga nguixkon Nainá nga tíchjatjì-ná. ²⁵Mìkiì k'oa's'ín kjìn k'a jahas'en ya ngajmiì nga kitsjaàt'aà kjotjò yijo-la, koni s'ín no'miì ítjòn nga xki nó fahas'en I'nde xi 'Nó Tsjeè, nga fahas'en ko jní xi mìtsà ts'e. ²⁶Cristo tsà kjìn-la k'a jahas'en ngajmiì tikoá tjínè-la nga kjìn k'a sükjeiín kjo'in kó-ne skanda kisindaà isò'nde. Tanga i'ndeì, nga jye tífehèt'aà nachrjein, ta jngoò k'a j'iì nga kitsjaà kjotjò yijo-la nga tsibíxteèn jní-la, mé-ne nga kitjaàxìn-ne kjoa ts'e jé nita mé nachrjein-ne. ²⁷K'oaá s'ín tjín nga ngats'iì xita, ta jngoò k'a biyaà, ko iskan kjoíì jè nachrjein nga sindaàjiin-la. ²⁸K'oaá tís'ín tjín it'aà ts'e Cristo, ta jngoò k'a kitsjaàt'aà kjotjò yijo-la nga tsibíxteèn jní-la, mé-ne nga kjìn xita tjáxìn-ne jé-la. Xi ma-ne jò k'a, kitjojen ijngoò k'a-ne ngajmiì; mìtsà ti jé kjoaáxìn-ne; koíí xá kjoíí-ne nga kochrjekàjiin kjo'in jñà xita xi nchikoña-la.

Mé-ne 'ñó chjí-là jè kjoa biyaà-là Cristo

10 ¹Jè kjoṭíxoma-là Nainá xi kitjoé-là Moisés, mìtsà ngui jñà kjondaà xi iskan j'iì; ta 'nguién-là né xi tsakó. K'oaá ma-ne nga jngoó k'a mìkiì koma ngui tsjeè sikkítsajna xita xi xki nó síchrañat'aà-là Nainá nga tijñà tijñà kjoṭjò tsjá-ne. ²Jè kjoṭíxoma, tsà jngoó k'a kisitsjeèya jé-là xita, mì-la tì kiì sikkájno-ne tsà jé tjín-là; tikoáá mì-la tì kiì jní-là cho tsjá kjoṭjò-ne. ³Tanga jè jní-là cho, xki nó xki nó síkítsjeèn-ya jé-là xita. ⁴Nga jè jní-là nchraja ko jní-là tíndsó mìkiì ma-là faàxìn jñà jé-là xita.


⁵Cristo, k'e nga j'iì i isò'nde kitsò-là Nainá:

Majìn-lè jní-là cho xi biyaà, ko kjoṭjò xi tsját'aà-lè xita, tanga jè yijo-na kinikijnandei.

⁶Mikiì sasén-lè cho xi kitì, ko ni jñà kjoṭjò xi tsjá-lè xita xi kjoa ts'e jé-là.

⁷K'ée kichjà, kixan-lè: “Koni s'ín tíchja xojon-lè xi it'aà ts'an, íí tijnāa nga sikitasoàn koni s'ín mejèn-lè, jì xi Nainá 'mì-lè.”

⁸Cristo, ítjòn kitsò: “Majìn-lè ko mìkiì sasén-lè jní-là cho xi biyaà ko kjoṭjò xi tsjá-lè xita, cho xi kitì ko kjoṭjò xi tsjá xi kjoa ts'e jé-là”, nas'ín k'oas'ín tíchja kjoṭíxoma nga tjínè-là nga koatjín xi tsjá xita. ⁹Ikjoàn kitsò isa: “Íí tijnāa nga sikitasoàn koni s'ín mejèn-lè.” K'e nga os'ín kiichja, tsòyaá-ne nga jè Cristo jaàxìn jè kjoa jchínga mé-ne nga kisikíjna ngajo-ne xi kjoa xitse. ¹⁰K'oaá s'ín komà nga kisitsjeèya inima-ná Nainá



Chrjó ndajo ñánda tìsòn cho xi biyaà xi kjoṭjò-là Nainá

it'aà ts'e Na'è-ná Jesucristo k'e nga kòs'ín kisìkitasòn koni s'ín mejèn-là Nainá nga ta jngoò k'a kitsjaà kjotjò yijo-là nita kjé-ne k'e nga k'en.

¹¹Ngats'iì nò'miì, nàchrjein nchijòn síkitasòn xá-là nga kjin k'a tsját'aà-là Nainá xi tijnà tijnà-ne kjotjò xi mikii ma-là faáxìn jé-là xita. ¹²Tanga Jesucristo ta jngoò k'a kitsjaat'aà kjotjò yijo-là kjoa ts'e jé nita kjé-ne, ikjoàn tsibijnat'aà chrja kixi-là Nainá. ¹³Yaá tíkoña skanda k'e nga kijchò nàchrjein nga jñà xita kondra-là siichija nga jè Nainá siikítsajnangui ndsokò. ¹⁴Ta jngoò k'aá kitsjaat'aà kjotjò yijo-là mé-ne nga ngui ndaà kjòkixiya-ne xita nita kjé-ne, jñà xita xi tímatsjeè. ¹⁵Jè Inima Tsjeè-là Nainá ndaà síkixiya-ná kjoa koi; nga sa ítjòn tsò-né:

¹⁶Jè kjoa jè xi kindaajijn-koaa jñà xita k'e nga jye koma iskan, tsò Na'è-ná: Jñà kjotixoma-na síkijnajñaà inima-là, kò yaá skiaa ijìn kjohítsjeèn-là.

¹⁷Ikjoàn tsò-isa:

'An, mì tì kii siikítsjeèn-na jé xi tjín-la kò ngats'iì kjoa ch'o xi s'ín.

¹⁸K'e nga jye jchat'aà-ná jé-ná, mì tì mé kjotjò kochjeén-ne xi kjoa ts'e jé.

Mé kjoa-ne nga isa ndaà kinchat'aà chraña-lá Nainá

¹⁹Jñò ndí 'ndsè, k'oaá ma-ne nàchrjein i'ndeì, tjí'nde-ná nga kitjás'eén jè I'nde-là Nainá xi 'Nó Tsjeè, koií kjoa-là jè jní xi tsbíxteèn Jesús. ²⁰Nga jè kiskíx'a jngoò-ná ndiyá xitse xi fiko-ná nánnda tjín kjoabinachon, nga koma kotokjá jè nikje cortina xi tjo'hóya jngoò osen I'nde Tsjeè-là Nainá. Jè nikje, k'oaá ngaya-là koni yijo-là Jesús. ²¹Nga tjín jngoò-ná nò'miì xi 'nó jeya tjina xi otíxoma ya ni'ya-là Nainá. ²²K'oaá ma-ne nga mochjeén-né nga isa ndaà kinchat'aà chraña-lá Nainá, nga ngui kixi síkijnáa inima-ná kò ngui tíjngoò takoán xi it'aà ts'e, nga jè Cristo jye kisitsjeè inima-ná kjoa ts'e jé, kò jè yijo-ná, k'oaá ngaya-là koni tsà ngui nandá tsjeè tsanjno-ne. ²³Kixi kitsajnaakoá kjoa xi titsachiña-lá koni s'ín mokjeín-ná nga mì kijen kikjá-lá takoán; nga Nainá, xita kixi-né, siikítasòn-né koni s'ín jye kitsjaà 'én-là. ²⁴Kinchátsji'nde-lá nga 'én ndaà kinókjoa-lá xinguiáá mé-ne nga isa ndaà s'e-ná kjotsjacha;

ko s'eén kjoa xi ndaà tjín. ²⁵ Mìkiì sijchayaá jè nàchrjein k'e nga bixoñaá, koni s'ín i'nga xita nga mì tì kiì bixoñat'aà-la xíkjin. Ta saà mochjeén-né nga k'oi-lá nga'nó xinguiáá nga jngoð ìjngoð; isaá 'nó kos'iaán k'e nga yaá nga jye tínchrobá machrañà nàchrjein-la Nainá.

²⁶ Tsà k'oas'ín tjín takoán nga kinchátsji jé isaá k'e nga jye kiyaxkoaán kjoa kixi-la Nainá, mì tì mé jní koma xixteèn-ne xi ma kjoaáxin jé-ná. ²⁷ Tà jè kòkò isa-ná kjo'in xi 'nó xkón tjín kò ni'ín jnga xi síkjesòn yije xita xi kondra fi-la Nainá. ²⁸ K'e nga tsà jngoð xita xi mìkiì síkitasòn kjotíxoma-la Nainá xi kitjoé-la Moisés, tsà tjín jò, jàn xita xi tsjá 'én nga kixi kjoa, mìkiì mahimacha, nìk'en-né. ²⁹ ¿Kós'ín beè-la takòn jñò, a mìtsà isa tse kjo'in ok'in-la jñà xita xi binchanè jè Ki'ndí-la Nainá, kò ochrjekàngui jè jní xi tsibíxteèn, kò tikoa chjajno-la Inima Tsjeè-la Nainá xi tjín-la kjondaà? Jè jní xi ochrjekàngui, jè-né xi Nainá kisikjeén nga tsibíndaàjìn-kò xita jngoð kjoa xitse, kò jè xi kisitsjeè-ne inima-la xita koi. ³⁰ Jyeé tíjìn-ná nga k'oaá tsò Nainá: “Aán oko-na nga tsjaà-la kjo'in xita, 'aán tsjaà-la chjí-la.” Ìjngoð k'a tsò: “Jè Na'èn-ná kìindaàjìn-la xita naxandá-la.” ³¹ ¡Taxki 'nó tse kjojkón tjín k'e nga ya kàyaá tsja Nainá xi tjínakon!

³² Tanga tikítsjeèn kós'ín komàt'ioòn nàchrjein xi jye tsato, k'e nga sa kina'ya ítjòn 'én kixi xi kisihiseèn-nò, nga kichikjoa-nò nga tse kjo'in kinìkjoòn. ³³ Kis'eé nàchrjein k'e nga jñà xita kiichjajno-nò kò kiskaàn-kò-nò nga nguixkon xita naxandá. Tikoaá kis'eé nàchrjein nga jñò kitsjahijtakoo jñà xita xinguiòo xi tikoa kjo'in nchisíkjeiín. ³⁴ Jñò, kjòhìmacha xita xi kjo'in nchisíkjeiín nga ndayá títsajna; kò tikoa mìkiì kòjti-nò k'e nga kjòchijé-nò tsojmì-nò, ta saá kjòtsjaá-nò nga jye tíjìn-nò nga ján ngajmì tjín-nò tsojmì xi isa ndaà kjoàn xi mìkiì fehet'aà nita mé nàchrjein-ne. ³⁵ Kì nìchija-jèn koni s'ín kjit'aatakòn Nainá nga yaá tjoé-nò jè xi 'nó tse chjí-la. ³⁶ Mochjeén-né nga s'e-nò kjoatsetakòn kjoa ts'e kjo'in, mé-ne k'e nga jye kitasòn koni s'ín mejèn-la Nainá, tjoé-nò xi tsjá-nò koni s'ín jye kitsjaà 'én-la xi tso'ba kiichja-ne. ³⁷ K'oaá s'ín chja xojon xi tjít'aà 'én-la Nainá nga tsò:

Ta jngoð tjò chija-la nga kjoí jè xi sa nchrobá.

Mìkiì kochrjein-la.

³⁸ Jè xi xita kixi kíjnakon-né nga mokjeiín-la,

tanga tsà kòsit'aà xìn, mìkiì sasén-là inìma-na.

³⁹Tanga jñá, mì k'oaá s'eén koni s'ín xitá xi íts'in fi-ne nga síchija inìma-la. Ta saá ya k'jaán ya i'nde ñánda kitjokàjiìn kjo'in inìma-ná koi kjoa-la nga mokjeiín-ná.

Kjoa xi mokjeiín-ná

11 ¹Jè kjoa xi mokjeiín-ná, jè-né nga tjin kixi nga tjoé-ná jñà kjoa xi chiñá-lá; jè-né nga tijn goò takoán nga kitasòn nas'in mìkiì títsa'yaá xi kjoa niton. ²Jñà xitá jchínga kjótsee, koií kjoa-la nga kòkjeiín-la nga ndaá ki'ya-la.

³Ta koi-né nga mokjeiín-ná nga kòs'in machiya-ná nga jè Nainá, tà koó 'én-la tsibíndaà isò'nde; kisikatsèjèn tsojmì xi mìkiì tsejèn nga sa ítjòn.

⁴Abel, koií kjoa-la nga kòkjeiín-la, kitsjaàt'aà-la Nainá kjotjò xi isa 'nó ndaà kjoàn, mì k'oaà-ne koni ts'e Caín. K'oaá s'ín komà-ne nga xitá kixi kitsò-la Nainá Abel; kiskoé kjotjò xi ijchòko-la; skanda nachrjein i'nde, táko k'oaá s'ín tíchja nga mokjeiín-la, nas'in jye k'en.

⁵Enoc, tikoá kòkjeiín-la; k'oaá s'ín komà-ne nga kiiko tíkon Nainá ján ngajmì; mì tì kii kisakò-ne k'e nga jye kiiko. K'e nga sa tsibijna i isò'nde, Enoc, k'oaá s'ín ki'ya-la nga ndaà kisaseèn takòn Nainá. ⁶Tsà mìkiì mokjeiín-ná it'aà ts'e Nainá, mìkiì koma s'eén kjoa xi sasén-la Nainá. Jè xitá xi síchrañat'aà-la Nainá mochjeén-né nga ndaà kòkjeiín-la nga tjna Nainá, tikoá kòkjeiín-la nga ngats'iì xitá xi ótsji Nainá, tsjá-la kjotjò xi ndaà tjin.

⁷Noé koií-né nga kòkjeiín-la, k'e nga tsibénojmí-la Nainá kjoa xi iskan koma, kisikitasòn; koó kjoxkón-la nga tsibíndaà jngòò chitso xi 'nó je kji, mé-ne nga mìkiì kiyá-ne jñà xitá ni'ya-la. Noé, nga ndaà kòkjeiín-la, k'oaá s'ín tsibínè-la kjo'in xitá isò'nde nga jé tjin-la; ko jè Noé kitjoé-la kjotjò xi tsjá Nainá nga xitá kixi kitsò-la ta koií kjoa-la nga kòkjeiín-la.

⁸Abraham, nga kòkjeiín-la k'e nga kiichja-la Nainá, kisikitasòn. Itjokàjiìn nangui-la, kii ya i'nde ñánda tà kjotjò tsjá-la Nainá, tanga skanda mìkiì tjiìn-la ñánda tífi. ⁹Koií kjoa-la nga kòkjeiín-la, nga kòs'in kisijchá yijo-la koni tsà xitá xi xìn nangui-la nas'in ya tsibijna ya i'nde ñánda nga k'oa kitsò-la Nainá nga tsjá kjotjò-la. Ni'ya nikjeé tsibijnaya. Nga kii-isa nachrjein, k'oaá tì komàt'in jè Isaac ko Jacob, xi tikoá

k'oas'ín kitsjaà-la 'én Nainá nga ts'e koma nangui. ¹⁰Abraham tíkoña jngod-la naxandá xi 'nó ndaà tjin tàts'en chrjó-la, nga jè Nainá kiskoòsòn-la kós'ín sindaà kò tije-ne Nainá tsibíndaà.

¹¹Koif kjoa-la nga kòkjeiín-la Abraham, nga nas'ín chjoón 'ndi jè chjoón-la xi 'mì Sara, kò nas'ín jye 'nó xita jchínga, kis'eé-la nga'nó nga kisakò jngod-la ki'ndi jè Sara, koif kjoa-la nga kòkjeiín-la nga Nainá sìikitasòn koni s'ín jye kitsjaà-la 'én-la. ¹²K'oaá ma-ne nga ta jè tajngod xita jè, nas'ín jye tifehet'aà nachrjein-la, kjìn jchán ma ixti-la xi tje ts'e k'oaá ngaya-la koni jñà ni'nó xi tjin ngajmì kò tsomì xi jncha indii ndáchikon nga mìkì ma maxkeya.

¹³Ngats'iì xita koi, k'oaá s'ín mokjeiín-la skanda k'e nga k'en, nas'ín mìkì kitjoé-la tsojmì xi Nainá k'oas'ín kitsjaà 'én-la nga tsjá-la; ta k'oaá s'ín kjòchíya-la koni tsà ta kjìin kijtseè-ne; tsjaà kis'e-la nga kitsò nga mìtsà i i'nde-la, ta nchifahato-né nga títsajna i it'aà nangui. ¹⁴Jñà xita xi koatsò, k'oaá s'ín bénojímí kixi-né nga saá nchihótsji jngod nangui xi nguì ts'e koma. ¹⁵Tsà jè nchisíkítsjeèn nangui ñánda itjokàjìin, okixi-né komá-la kii jngod k'a-ne i'nde ñánda inchrobà-ne. ¹⁶Tanga jngod i'nde nchihótsji xi isa ndaà choòn, i'nde xi ts'e ngajmì. K'oaá ma-ne nga jè Nainá, mìkì masobà-la nga kitsò-la xita: jè jèe xi Nainá, nga jyeé kisikíjnandaà jngod-la i'nde ñánda naxandá-la koma nga ya kítsajna.

¹⁷Abraham, k'e nga kichit'aà, koif kjoa-la nga kòkjeiín-la nga kiskoé Isaac nga kitsjaat'aà kjotjò-la Nainá. Tsibìjnandaà nga tsjá-la ki'ndí-la xi ta jè tajngod-ne, nas'ín xó k'oas'ín kitsjaà-ne 'én Nainá it'aà ts'e ki'ndí-la, k'e nga kitsò: ¹⁸“It'aà ts'e Isaac, kjìn jchán koma xita tje-lè.” ¹⁹Abraham k'oaá s'ín kisikítsjeèn nga Nainá tjin-la nga'nó nga ma-la síkjaáya-la xita nas'ín jye k'en. Kitjoé jngod k'a-la ki'ndí-la koni tsà jaáya-la it'aà ts'e kjoabiyaà.

²⁰Isaac, koif kjoa-la nga mokjeiín-la nga kisijét'aà-la Nainá nga kàtasíchikon-t'in Jacob kò Esaú it'aà ts'e kjoa xi iskan koma.

²¹Koif kjoa-la nga mokjeiín-la Jacob, k'e nga jye tíbiyaà, kisijét'aà-la Nainá nga kàtasíchikon-t'in ingajò ixti-la José; síngui'nó tsja yá nise-la nga jeya kisikíjna Nainá.

²²Koif kjoa-la nga mokjeiín-la José, k'e nga jye tíbiyaà, tsibénojímí kós'ín komat'in jñà xita Israel nga kitjokàjìin

naxandá Egipto. Tikoá kitsjaà okixi it'aà ts'e nindaà-la ñánda kjiiko.

²³ Xita jchínga-la Moisés, koí kjoa-la nga kòkjeín-la nga jàn sá kisikíjna'ma ki'ndí-la k'e nga sa kits'iin, nga kijtsee nga 'ño ndaà kji isén-la ki'ndí-la, kò mìkiì kitsakjòn-la kjotíxoma-la xitaxá ítjòn ts'e naxandá Egipto.

²⁴ K'e nga jye kòjchínga Moisés, koí kjoa-la nga kòkjeín-la nga mìkiì kisaseèn-la nga nea-la kitsò-la tsòti-la faraón. ²⁵ Tà saá jè jaàjiin nga kjo'in kisikjeiín kò naxandá-la Nainá, mì k'oa-ne nga kjotsja tsjá-la yijo-la xi kjoa ts'e jé. ²⁶ K'oaá s'ín kiskoòsòn-la nga isa 'ño chjí-la kjo'in xi sìkjeiín xi it'aà ts'e Cristo mì k'oaá-ne nga kjotsja tsjá-la yijo-la xi kjoa nchiná ts'e naxandá Egipto. Kiskoñákjoaá-la kjondaà xi iskan tsjá-la Nainá.

²⁷ Koi-né nga tikoá kòkjeiín-la nga itjokàjiin naxandá Egipto; mìkiì kitsakjòn-la kjoajti-la jè xitaxá ítjòn; kixí tsibijna koni tsà xkon tíbeè-ne Nainá xi nì saá jngod xita beèxkon.

²⁸ Moisés, nga kòkjeiín-la, tsjachrje s'eí Paxkò. K'oaá kitsò-la ngats'iì xita Israel nga jní sìlkaàjno xotjoa ni'ya-la mé-ne jè àkjale-la Nainá mìkiì sìk'en jña xi ki'ndítjòn-la ts'e xita Israel.

²⁹ Jña xita Israel, nga kòkjeiín-la, tsatojiin jè xi 'mì Ndáchikon Inì koni tsà nangui kixì. Jña xita Egipto, k'e nga kijtsee, mejèn-la nga k'oa tís'ín kis'iin, tanga ta yaá k'en yije ya jjiin ndáchikon.

³⁰ Nga kòkjeiín-la xita Israel, kisikixòjen chrjó xi tjíndi-la naxandá Jericó, k'e nga jye kjò itod nachrjein bíjtindi-la jé naxandá. ³¹ Koí nga kòkjeiín-la Rahab xi chjoón chijngui nga mì ya k'en-kò jña xita xi mìkiì mokjeiín-la, koí kjoa-la nga ndaà kijtseètjò jña xita Israel xi ítjòn ijchò kotsejèn 'ma-la nangui.

³² ¿Mé kjoa xi kènojmi isa? Mì-la kiì chíya-na nachrjein nga kichjá it'aà ts'e Gedeón, ts'e Barac, ts'e Sansón, ts'e Jéfté, ts'e David, ts'e Samuel kò ngats'iì xita xi kiichja ngajo-la Nainá. ³³ Koí nga kòkjeiín-la xita koi nga kis'e i'nga xi kisikijne-la kjoa ts'e kjojchán, xi kixí tsibíndaàjiin kjoa, xi Nainá kitsjaà-la koni s'ín jye kitsò-la xi tso'ba kiichja-ne, xi tsibíchjoàjto tso'ba xa. ³⁴ Kis'eé i'nga xi kisikits'o nga'ño-la ni'ín jnga, xi itjomachinga-la nga kichá ndojò k'en-ne, xi kis'e ijngod k'a-la nga'ño nas'ín xk'én kjoàn, xi kis'e-la nga'ño

kjoa ts'e kjojchán, xi kisìkijne-la xita kjojchán xi kondra ts'e.
³⁵ Kis'e'e i'nga íchjín xi kitjoé ijngoò k'a-la xita xíkjín xi jye
 k'en nga jaáya-la.

Tanga tjín i'nga xi ya k'en-jiin kjo'in; mìkiì kjòmejèn-la
 nga tsibìtsajnandeíí, nga k'oaá s'ín kjòmejèn-la nga isa
 ndaà kítsajna k'e nga kjoaáya-la. ³⁶ Xi i'nga, kisikjeíin
 kjo'in nga kinisobà-la, kiskaàn-ko xita, skanda na'ño kichà
 cadena kisit'aà'ño iya ndayá. ³⁷ Tjín i'nga xi ndajo kisinè
 nga kinik'en; tjín i'nga xi kichà serrote kjòjòya-ne; tjín xi
 kichà ndojò k'en-ne. Xki xi ján chinchimasòn, tà chrjoa-la
 orrè ko chrjoa-la tíndsó tsakakjá nga 'ño ima chinchima,
 tseé kjo'in kis'e-la ko 'ño ki'yatoòn. ³⁸ Jñà xita koi, nga 'ño
 ndaà kòkjeíin-la it'aà ts'e Nainá, skanda mìkiì ok'in-la nga i
 tsibìtsajna isò'nde. Xki xi ján chinchimasòn ya i'nde it'aà xìn
 ñánda nangui kixi choòn, kóhokji jjiin ijñá ko ingui nguijo ko
 ngajo xi tix'á jjiin nangui.

³⁹ Ngats'iì xita koi, koni s'ín nga ndaà kòkjeíin-la ndaá
 ki'ya-la, tanga nijngoò kitjoé-la xi Nainá tjín-ne nga tsjá-la
 koni s'ín jye kitsjaà-la 'én-la. ⁴⁰ Nainá tsibíndaà jngoò-ná kjoa
 xi isa 'ño ndaà tjín, mé-ne jñà xita koi, ngásòn kongásòn-kjoaá
 nga nimé chijat'aà-ná nga kixi kítsajnaá.

Ndaà chítsejèn-là Jesús

12 ¹ Nga 'ño kjìn ma-ne xita xi títsajnanndi-ná xi
 ndaà mokjeíin-la, k'oaá ma-ne nga tikoáá jñá,
 jngoò k'a síkítsajnaá ngats'iì kjoa xi sí'in-ná ko kjoa ts'e
 jé xi tsobà'ño-ná nga konachán-ná; mochjeén-né nga k'oa
 s'ín s'eén koni jngoò xita xi ongachikon nga chíkjoako-la
 nga kijchò skanda ñánda nga tjín-nè-la nga kijchò. ² Ndaà
 chítsejèn-lá Jesús; jè tsibìts'ia ítjòn koni s'ín mokjeíin-ná
 ko jè síjngoò kjoa koni s'ín mokjeíin-ná. Jesús nga jye
 tíjiin-la nga koma iskan s'eé-la kjòtsja, k'oaá ma-ne nga
 kichikjoa ko-la kjo'in it'aà krò, mìkiì kjòsobà-la koni
 s'ín k'en; ikjoàn tsibíjnat'aà chrja kixi-la Nainá nga ya
 tíhotíxoma.

³ Tikítsjeèn it'aà ts'e Jesús; kichikjoa koó-la kjo'in xi
 tsibínè-la jñà xita jé, mé-ne jñò mìkiì kijta-nò ko mìkiì
 sikàjeèn-là takòn. ⁴ Koni s'ín titsabixkàn-ko kjoa ts'e jé, kj'eè
 tsà yá xita xi tsò ikon nga sík'en-nò. ⁵ ¿A jye kijchàajiin-nò koni

tsò-nò Nainá nga *ixti-la* tsò-nò? K'oaá s'ín tíchja xojon xi tít'aa'én-la Nainá nga tsò:

Nga ki'ndí-na xan-lè, kì nachrjekàngui-jèn k'e nga síkixiya-lè Na'èn-ná,

kò kì nìkjajen-la takoìn k'e nga síkaká-lè.

⁶ Na'èn-ná síkixiya-né jè xita xi tsjakeè,

tsjá-la kjo'in ngats'iì xi kjoétjò nga ki'ndí-la tsò-la.

⁷ Nainá k'oaá s'ín beèhikon-nò nga ki'ndí-la tsò-nò; tikjioón

k'e nga kjo'in tsjá-nò. Ngats'iì xi Na'èn ma, tsjá-la kjo'in *ixti-la* nga síkixiya. ⁸ Tanga tsà Nainá mìkii sikkixiya-nò koni s'ín

sìkò ngats'iì xi *ixti-la* ma, mìtsà kixi kjoa nga nguì *ixti-la*

Nainá maà. ⁹ K'e nga sa *ixtiaá*, jñà xita jchínga-ná xi tjin i it'aa

nangui, kisikixiya-ná koa ndaà kiyaxkoán. ¿A mìtsà isà ndaà

jchaxkoán Na'èn-ná xi tjna ngajmii, mé-ne nga kàtas'e-ná

kjoabinachon? ¹⁰ Xita jchínga-ná i it'aa nangui tsjá-ná kjo'in

nga síkixiya-ná koni s'ín mejèn-la, nas'ín ta chiba nachrjein

titsajnaá. Tanga Nainá síkixiya-ná xi kjondaà tsaján mé-ne

nga tsjeè kitsajnaá koni jè Nainá nga tsjeè tjna. ¹¹ Kixif kjoa,

tsjin kjo'in xi kjotsja tsjá, tà kjoaba tsjá nga 'on ma-la yijo-ná,

tanga komà iskan-ne s'eé-ná kjoa kixi xi 'nchán tjin nga ndaà

kitsajnaakoá Nainá ngats'iaá xi bì'ndeé nga tímakixiyaá.

¹² K'oaá ma-ne nga tjiì-là nga'nó yijo-nò, chjímii'ngaà ndsaa

xi mìkii ma síkjaníyá, kò xkó ndsokòd xi tsjin-la nga'nó;

¹³ tinchátsjioèd xi ndiyá kixi nga kàtandaà-ne ndsokòd xi tsá'yá

kji, mé-ne nga mìkii isà ndaà kotsó'ño-ne.

Kì binchat'aàxin-là kjondaà-la Nainá

¹⁴ 'Nchán titsajnakoo ngats'iì xita; tsjeè titsajna nga nguixkon Nainá. Nga nijngòd xita skoexkon Nainá tsà mì tsjeè tjna.

¹⁵ Ndaà chítsejèn nga nijngòd xita kosijnat'aàxin-la kjondaà-la

Nainá, mé-ne nga mì k'oaá s'ín komat'ioòn koni tsà jngòd

xka ijñá kiso xi tsja ima-la xi síkits'ón xita nga tsjá ch'in-la.

¹⁶ Jñò, nijngòd xi xita chijngui koma, kì nachrjekànguioèd

tsojmì xi tsjeè; kì k'oaá s'ín 'nè koni kis'iìn Esaú nga tà

jngòd chroba tsojmì xi ma chine tsatjna-ne xi jè tjin-ne nga

koko-la koni ki'ndí tjòn. ¹⁷ Jñò jyeé tjiìn-nò, k'e nga jye komà

iskan, Esaú k'e nga kjòmejèn-la nga sikkhikon-t'in na'èn-la,

kinachrjekàngui-né, mì tì kii komà kjòchikon-t'in-ne, nas'ín

takó 'nó kiskindàya.

¹⁸ [Koni s'ín komàt'in xit̄a Israel nga kjìn kjojkón kijtsee], jñò, mìtsà kos'ín ya ijchò kinchat'aà-là nindoò xi ma nìkò, jè nindoò ñánda títi ni'ín jnga, ñánda skanda mì t̄i kii kjòtsejèn-ne nga jñò choòn kò ñánda tí'ba t̄jò xkón. ¹⁹ Mìkii kina'yà-là jta-la chrjo, t̄ikoá mìkii kina'yà-là jta-la Nainá k'e nga kiichja. Jñà xi kii'nchré-la Nainá, tsibítsi'ba-ne nga majìn-la nga kichja-isa, ²⁰ koií kjoa-la nga mìkii kichikjoa-la koni s'ín t̄jín kjotíxoma xi kisinè-la nga tsò: “Jè xit̄a xi kosijna jngoò ndsoko ya it'aà nindoò, nas'ín jngoò cho, ndajoó kiyá-ne kò tsà majìn kichaá kotosìkjá yijo-la.” ²¹ 'Nó xkón t̄jín kjoa xi ki'ya-la, skanda tijè-ne Moisés kitsò: “Tsakjoòn jchán-ná skanda chiba-la t̄fhotsé-ná.”

²² Tanga jñò, yaá ijchò kinchat'aà-là nindoò Sión, jè naxandá-la Nainá xi t̄jínakon, xi tijè-ne Jerusalén xi ts'e ngajmii, ñánda kjìn jmiì àkjale t̄ítsajna xi nchisítsjako Nainá nga jeya nchisíkijna, ²³ ñánda t̄ítsajnajt̄jín ixti-la Nainá xi t̄joé-la kjot̄jò xi ts'e ixtit̄jòn xi t̄jít'aà 'ín-la xojon ts'e ngajmii. Ijchò kinchat'aà-là Nainá xi xit̄axá t̄jina nga jè bíndaàjìin-la ngats'iì xit̄a. T̄ikoá ijchò kinchat'aà-là inima-la xit̄a kixi xi Nainá jye kisitsjeè nga nimé chijat'aà-la. ²⁴ Ijchò kinchat'aà-là Jesús xi osìjnajiìn-ná jngoò kjoa xit̄se kò jè jní-la xi kixíxteèn [nga kisitsjeè-ná] xi isa ndaá chja-ná mì k'oaá-ne koni ts'e Abel [xi síjé nga sindaàjìin].

²⁵ Jñò, t'een kindá yijo-nò. Kì nachrjekànguioð jè xi tíchja-ná. Jñà xit̄a jchínga kjòtsee xi tsachrjekàngui koni s'ín kinokjoà-la i it'aà nangui nga kinikaká-la, mìkii tsajno-la nga kitjoé-la kjo'in. Jñá, isaá 'nó 'in t̄jín tsà k̄ijnachrjekànguiaá Nainá k'e nga skanda ján ngajmii chja-ná nga síkaká-ná; mìkii kojno-ná nga t̄joé-ná kjo'in. ²⁶ Jè nachrjein jè, jta-la Nainá, skanda jè nangui kisijtiya-la, tanga nachrjein i'nde, k'oaá tsò: “Íjngoò k'a siijtiya-la, mìtsà tà jè nangui siijtiya-la koo ngajmii.” ²⁷ Jè 'én, k'e nga tsò “Íjngoò k'a siijtiya-la”, k'oaá s'ín machiya-ná nga t̄jáxìn tsojmi xi xó kisindaà-ne, jñà xi ma oniyá-la, mé-ne nga k̄ítsajna-ne xi mìkii ma oniyá-la. ²⁸ It'aà ts'e Nainá tsjá-ná okixi nga ya kotixomakoá ya i'nde ñánda mìkii ma oniyá-la. Ndaà chjì-la Nainá jñà kjoa koi. Jeya sikíjnaá kò jchaxkoán koni s'ín sasén-la jè. ²⁹ Nga “jè Nainá, k'oaá गया-la koni ni'ín xi síkjehesòn yije n̄it̄a mé xi t̄jín.”

Kjoa xi mochjeén nga s'iin jñà xita-la Cristo

13 ¹Jñò, tìtsjacha xita xinguiòo xi 'ndsè chibá xi it'aà ts'e Cristo. ²Kì nìjchàajioòn jñà xita xi bijchókon-nò ni'ya-nò, tìs'in-là nga kàtasíkjáya. K'oaá komàt'in i'nga xita, kiskoétjò xita xi mìkiì beèxkon, tanga àkjale-né.

³Tikítsjeèn jñà xita xi ndayá títajna; k'oas'ín t'è-là takòn koni tsà ngàsòn kjo'in títajnaà. Tikítsjeèn jñà xita xi títatoòn koni tsà jñò xi tikoá k'oas'ín títatoòn-nò.

⁴Jñò xi jye chixàn, ngàsòn jchaxkón xinguiòo. Kì ch'o bitsajnakoo xinguiòo. Nga jñà xi kjoachijngui s'ín, Nainá tsjá-la kjo'in.

⁵Kì toón 'nó matsjacha; kàtajngòò takòn koni kji tjin-nò. Nainá k'oaá tsò: "Mìkiì tsjeiìn takòn-nò, kò mìkiì tajngòò siikíjna-nò." ⁶K'oaá ma-ne nga ma k'oas'ín kixoán:

Jè Na'èn-ná kosiko-ná,

mìkiì kiskoán mé kjoa xi siko-ná xita.

⁷Tikítsjeèn jñà xita xi chinha ítjòn nga tsakóya-nò 'én-la Nainá; tikítsjeèn kó s'ín kisijchá yijo-la xita koi kò k'oaá s'ín chjínngui-là koni s'ín kòkjeiín-la.

⁸Jesucristo mìkiì fatjya, tijè-ne ngojña, tijè-ne nachrjein i'nde, kò tijè-ne nita mé nachrjein-ne. ⁹Kì kiì nìs'in-là kjohítsjeèn xi kje'í tsò kò xi mìkiì yaxkon-la nga xìn ndiyá fiko-ná. Ìsaá ndaà tjin nga jè inima-ná s'e-la nga'nó it'aà ts'e kjondaà-la Nainá mì k'oaá-ne koni ts'e tsojmì xi ma chine; nga jñà tsojmì xi ma chine, nímé nga'nó kitsjaà-la jñà xi k'oa tjin kjoa kisìs'in-la.

¹⁰Jñá, tjin jngòò-ná i'nde tsjeè [nánanda kitsjaà kjotjò yijo-la Cristo nga k'en], tanga jñà no'miì xi tákó ya síxá it'aà ts'e kjoa jchínga ya Ni'ya xi nikje, mìkiì tíj'nde-la nga tjoé-la kjondaà nga ya kòkjen. ¹¹Nga jè yijo-la cho xi sík'en jñà no'miì, [mìkiì tíj'nde-la nga tjoé-la nga skine]; ta jè jní-la cho fiko jè no'miì ítjòn ya i'nde tsjeè-la Nainá xi kjoa ts'e jé. Tanga jè yijo-la cho, it'aà xìn i'nde fiko nga tì. ¹²K'oaá tìs'ín komàt'in Jesús, it'aà xìn-la naxandá kisikjeiín kjo'in, mé-ne nga kisitsjeè-ne naxandá it'aà ts'e xi nguì jní ts'e. ¹³K'oaá ma-ne jñá, kitjokajñaá naxandá. Jè kjitjingui-lá Jesús nga sikjiaán-koá kjo'in xi jè kisikjeiín. ¹⁴Nga i it'aà nangui tsjìn-ná naxandá xi nguì jngòò k'a tjna nita kjé-ne; jè títachiñá-lá naxandá xi

iskan kotsejèn. ¹⁵Koi kjoa-la mochjeén-né nga kjit'aà nàchrjein jeya sikíjnaá Nainá it'aà ts'e Jesucristo koni jngod kjotjò xi 'bi-lá Nainá, 'én xi nguì tso'baá bitjo-ne nga bènøjmiá yá-né jè. ¹⁶Kì nìjchàajioðn nga ndaà t'een, tjiì itsé-là xinguiqo mé xi tjin-nò; k'oaá tjin kjotjò xi sasén-la Nainá.

¹⁷Tikitasòn-lá jñà xita xi jncha ítjòn-nò, tiná'yañijon-là. Nga jñà síkinda-nò nga mì jchija inima-nò koií kjoa-la nga tjinè-la nga tsjá-la kindá Nainá. Tikitasòn-là koni s'ín kitso-nò mé-ne nga nguì ko kjotsja-la siixá-ne nga mì ba s'e-la; tsà ba s'e-la, nímé kjondaà s'e-nò.

¹⁸Tijét'aà-là Nainá it'aà tsajen, nga k'oaá s'ín tíjngod takòn-jen nga ndaà tjin kjohítsjeèn-najen, mejèn-najen nga ndaà s'en-jen nita mé kjoa-ne. ¹⁹Isáá ndaà síjé-nò nga tijét'aà-là Nainá xi it'aà ts'an, mé-ne nga kàtatsjá'nde-na nga nìton kjíkon-nò.

'Én xi fehet'aà-ne

²⁰Jè Nainá xi tsjá kjoa'nchán xi kisìkjaáya-la it'aà ts'e kjoa biyaà Na'èn-ná Jesucristo, xi paxtò ítjòn-la ts'e orrè, jè xi ko jní-la tsibí'ñó-ne jngod kjoa xitse xi mìkìì kjoehet'aà nita kjé-ne, ²¹kàtasíkixiyandaà-nò ngats'iì kjoa xi ndaà tjin, mé-ne nga kàtitasòn-ne koni s'ín mejèn-la Nainá; it'aà ts'e Jesucristo, k'oa'sín kàtasíko-ná koni s'ín sasén-la Nainá. ¡Jeya kàtìjna Cristo nita mé nàchrjein-ne! K'oaá s'ín kàtama.

²²Bitsi'bà-nò ndí 'ndsè, ndaà chjoétjò 'én xi tìkjii-nò koni s'ín tibìnè-nò nga ta chiba 'én tìkjii-nò. ²³Kàtasijiin-nò jè 'ndsee Timoteo jye tíjnandeí-ne xi kjoa ts'e kjo'in; tsà kjoí nìton, kjíko-ná k'e nga kjián katsejèn-nò.

²⁴Tiixat'aà yije jñà xita xi jncha ítjòn-nò ko ngats'iì xita-la Cristo. Jñà xi Italia ts'e nchisíhixat'aà-nò.

²⁵Ngats'iodè, jè kàtìjnako-nò kjondaà-la Nainá.